


邱縣志

元



五

具縣

言誌

重修邱縣志序

皇帝四十年乙未以東昌之臨清為直隸  
州邱縣屬焉邱之志肇修於康熙  
四年乙巳繼修於雍正六年戊申  
計閱六十餘年而一修自戊申迄  
今又五十餘年矣不惟今時改屬  
中間田賦之升降官師之更易人  
物藝文之增益固已薪積而碁累

甚將散軼焉余承乏茲土將及一  
載深為屬意適奉 上憲檄催修  
輯乃聚邑人士共商而成之按郡  
邑之志昉乎前代列國之史輶軒  
採擇以貢天子載筆者言之不可  
無文而紀事必從其實虞夏之文  
尚矣三代以還史官不廢然至孔  
子時而已有及史闕文之嘆又嘗



言文勝質則史史氏固少質實與矧一邑之志潤色附會尤在所必有者耶顧邱本無山川名勝往哲遺踪即欲傳會潤色之而無從其所紀載殆將質有其文矣且自有元復設縣治以來至明神宗時而始有志則所謂闕文者已多是於斯志也不無所憾亦誠有足取哉

當今

聖朝八埏萬國六合三同文教覃敷薄海內外凡詞臣之所纂輯虞夏之文不少讓焉譬猶九苞彩鳳五色文龍區區一邑之志曷能分其纖毛得其片甲以光輝簡冊又安事多傳會以為潤色也耶於焉明其疆域晰其田賦紀其官師表彰

其人物藝文仍乎舊冊訛者考正  
之冗者刪訂之更變增益者審詳  
而接續之雖無山川名勝往哲遺  
踪足資觀者博覽亦庶幾哉方諸  
列國之史較為質實可以附輶軒  
而備採擇也夫

皆

乾隆四十七年壬寅孟秋月

文林郎知山東臨清直隸州邱

縣事桃江黃景曾撰

凡例

一原志有綱有目綱凡八目凡三十有六以類相從有條不紊今仍之昭法守也

一原志綱目類有弁言以明其中所載之義使閱者先曉然於其故而後徐以觀其詳今畧加訂正大率由舊者多不忘本也

一原志有附以圖者蓋恐言之弗著而迺圖狀以示之意在發明事實貞諸久遠今不敢沒也

一沿革分野悉依原志為據不更加點山川古蹟小有參考詳所畧也

一原志戶口以雍正三年丁歸地畝為定地畝分別荒熟貢賦起存悉依全熟今戶口悉以乾隆四十六年冬季為定地畝貢賦起存照依額徵編載時移勢殊不以此沒彼也

一官師賢明可考者識之文行政蹟歷歷可數者傳之餘祇載名不賢者亦諱之原志體例夫有所受不敢以更張蹈訕上之愆也

一原志人物甲科為最明經次之其功德顯著論定於百

年後者無論從祀與未從祀皆特為立傳其餘凡有善  
有學有才雖不得其詳亦於名下分別傳註以協輿論  
至孝義節烈有增續者悉從士民公舉編入天地鬼神  
實式憑之也

一鄉紳賢否蓋棺始定現在者雖美不書直道自在後人  
不敢以阿好亂舊志例也

一原志地里人物外不能以類從者則統彙一編名曰雜  
志今亦仍其舊示有統也

誥命志銘奏疏去思碑德政書舊志原未收入藝文中  
其餘記序詩詞惟取其有關風  
者甯苛勿濫恐貽後世訛笑也

纂修縣志姓氏

文林郎知邱縣事官豐黃景曾重修

儒學

教諭 王夢蘭 校閱  
訓導 都彥超

貢士邑人

靳淵然 纂輯  
邢淵

貢士邑人

王璧 編次  
劉大倫  
韓維杞

王曰欽

邑庠生

蔣文煥 叅訂  
王大齡

秦道烈

劉士諤

典史

張躍龍董刊

目錄

卷之一

地里志圖二前總圖

沿革并表分野有圖疆域

山川

風俗

古蹟物產

卷之二

建置志圖三

城池有圖公署有圖學校有圖坊表倉廠

里甲集市兵衛

目錄

卷之三

祀典志

壇壝廟祠寺觀附

卷之四

田賦志

戶口地畝貢賦鹽課

卷之五

職官志

縣令丞簿尉附學博名宦傳

卷之六

人物志

謁拜

薦辟

選舉

貶封

鄉賢傳

孝義

節烈

卷之七

襍志圖一

災祥

紀事

錄異

卷之八

藝文志

記序

詩歌

邱縣志

知縣事信豐黃

重纂

地里志

沿革  
古蹟

分野  
物產

疆域

山川

風俗

為邑志者必先地里沿革視乎地分野應乎天而疆域於是乎辨山川於是乎麗以至徵之為風俗可以觀化傳之為古蹟可以鏡往蕃之為物產可以利用悉依庶志備載巔末庶賢良相繼者得以覽輿地而施政教也作地里志第一

沿革

地里總圖



萬善集

兗軍廠

南新店

興平堡

南寨村

南新庄集

楊公堤

蔣侍御墓

李侍郎墓

非新店集

賀劉集

黃河改道

盛水灣

漢唐厲丘邱墓

瀆武場


王知事墓

縣威

長屯集

史副使墓





沿革

邱彈丸邑也溯禹跡平成以來更置廢興不知凡幾初為乾侯繼為斥邱為平恩或統屬魏博或分隸廣洛為志者將備紀其山川風物土田政教必托始於此亦曰志之權輿在是也志沿革為地里之一

禹制九州周官職方氏掌天下之地辨九州之國河內曰冀州叔虞封唐為晉在冀州域春秋魯昭二十八年公如晉次乾侯胡註晉境內邑名杜註在斥邱縣戰國屬趙而乾侯廢秦罷封建置郡縣始立斥邱屬冀州邯鄲郡漢初

為館陶別鄉後仍置斥邱高祖以唐厲擊破項籍封斥邱侯元康三年復置平恩縣以后父許廣漢封平恩侯地里志謂即王莽之延平縣俱屬魏郡總隸冀州部東漢因之曹魏省斥邱尋復置晉初以斥邱平恩屬廣平郡後廢平恩仍以斥邱屬魏郡總隸司州部晉惠帝時為符堅所陷堅敗慕容垂據之南宋以魏郡隸冀州部而廢斥邱為鄉北魏復置屬魏郡隸司州部東魏天平初廢斥邱並內黃置臨漳縣屬魏郡北齊移治斥漳城復以斥漳省入平恩縣隋徙治平恩川為平恩縣屬武安郡總隸冀州部唐武德五年置洺州為廣平郡後復省郡改州置洺州大總管府以平恩屬洺州總隸河北道五代後唐復為斥邱縣唐末石敬瑭以其地賂契丹歷漢周同至宋復為平恩縣屬洺州總隸河北西路靖康後屬金尋廢為鎮隸曲周元至元十五年以平恩鎮屬博州并入堂邑縣二十六年改博州為東昌路總管府總隸山東東西道二十七年因地去堂邑遠蒞治不便改立為邱縣屬東昌路明初東昌更名府轄十五縣邱屬之宏治二年陞臨清為州邱為所轄並隸東昌府

國朝因之至乾隆四十一年五月陞臨清為直隸州邱屬之總隸山東布政使司城北地多鹹鹵故名斥邱城中十字街地勢頗高故省斥止名邱邱舊作丘雍正四年奉旨避聖先師諱改今字

沿革表

總部

郡

縣

唐虞冀州

三代同

春秋晉

乾侯

戰國趙

乾侯廢

秦冀州

邯鄲郡按省志屬東郡

斥邱

漢同

魏郡領十八縣分其二

斥邱王莽改利邱東漢仍復舊名

平恩元康三年置王莽改延平東漢仍復舊名

東漢同

魏郡領十五縣分其二

斥邱

平恩

魏同

同

斥邱初省尋置

平恩

晉司州部

廣平郡領十五縣分其二

斥邱

平恩 後廢

魏郡 領八縣 分 斥邱

南宋冀州部 同 斥邱 廢為鄉 北魏復置

北魏司州部 同 斥邱 東魏天平初復置

北齊 平恩 自晉廢至是復置

隋 冀州部 武安郡 領八縣 分其一 平恩 徙治平恩川

唐 河北道 洺州廣平郡 領六縣 分其一 同

後唐 斥邱

宋 河北西路 洺州 領五縣 分其一 平恩

金 洺州 平恩 廢為鎮 隸曲周

元 山東東西道東昌路總管府 領三縣 分其二 置縣 初隸堂邑 至元二十七年

明 山東布政司東昌府 初領十五縣 分其二 邱

臨清州 領三縣 分其一 邱 再隸東昌府

國朝 同 邱


臨清州 領三縣 分其一 邱 乾隆四十一年陞臨清為直隸州 邱隸之

分野有圖

分野者指列宿所屬之分而言也乾象運轉杪忽眇茫  
 況邑以百里之地又所隸村堡錯麗他屬考驗者亦烏  
 能按圖推步一一弗爽乎茲惟參據諸家約畧梗概復  
 繪大梁酉宿趙分全圖於前使觀者由全分以考邱度  
 而屬宿以明即度分以為占驗而機祥以具則天之垂  
 象可以審察而人之修省可以預籌矣志分野為地里  
 之二

分野

西方大梁酉宿趙分全圖



周禮保章氏以天有二十八宿地有九州而所封之域皆有分星下應乎地班固漢史取三統曆以十二次配十二分野邱古乾侯屬晉趙總隸冀州域按清類天文志自胃四度至畢六度為大梁趙之分野屬冀州又按唐天文志胃昴畢大梁也自魏郡濁漳之北得漢趙國廣平鉅鹿常山東及清河信都北據中山正定全趙之分為畢分循北河之表西盡塞垣皆旄頭故地為昴分邱屬趙與邱境接者西為廣平南為魏郡東四十里為館陶東北百里為臨清州又百里為武城恩縣按臨清及三縣志俱為昴畢趙

按胃十五度八十一分昴十一度畢十六度有半分胃三度已上為戊降婁之次畢七度已下為中實沈之次自胃四度至畢六度為酉大梁之次屬冀州趙之分野說詳於左

